



SANĐAČKI ODBOR  
LJUDSKIH PRAVA I SLOBODA  
Novi Pazar  
5/95  
20.03.1995

# Stranka Demokratske Akcije SANDŽAKA

Novi Pazar, Trg M. Tita 2, Poštanski FAH 101, tel.fax (0038)20/25-667, ž.r. 62600-678-5668 kod SDK N.P.

Br. 2-22/95-H.J.

## INFORMACIJA

Osamnaest mladića bošnjačko-muslimanske nacionalnosti iz sandžačkih gradova: Novog Pazara, Sjenice, Tutina, Rožaja i Bijelog Polja s tugom i strahom će se sjećati služenja vojnog roka martovske klase '94/95 vojna pošta broj 4445 Prizren.

Ovi mladići, raspoređeni u različitim četama prizrenskog garnizona nailazili su na razne neprijatnosti u toku služenja vojnog roka. Njima su oficiri i vojnici tzv. Jugoslavije psovali muslimansku majku, te stalno prijetili kako će se napiti krvi Muslimanima kada dođu u Sandžak.

Tragičan i neizvjestan položaj naših mladića u vojnoj pošti 4445 Prizren, koji su prinuđeni da služe vojni rok, imao je svoju kulminaciju 25. i 26. februara ove godine. Jedan iz grupe mladića, koji je želeo da iz razumljivih razloga ostane anonimn, priča: "Toga dana smo prije podneva došli sa zanimanja. Komandir čete kapetan Ilić Draško, počeo je čudnu prozivku. Prozvao je imena sa spiska, nas trinaesticu sve Bošnjaci-Muslimani iz Sandžaka. Rekao nam je da odložimo oružje i izađemo van. Zamjenik komandanta bataljona kapetan I klase izvjesni Runic saopštio nam je da smo pozvani u komandu kod načelnika bezbjednosti. Pitali smo zbog čega idemo u komandu bezbjednosti, vidno uznemireni i uplašeni zbog ovakvog odnosa prema nama Bošnjacima. Nije nam odgovorio. Vani nas je čekalo desetak, do zuba naoružanih vojnih milicionera. Oni su nas sproveli do komande. Tamo smo sačekali da dođe major Cvijić. Odmah, pošto je došao, prozvao je nas petoricu da uđemo, ostali su morali da sačekaju. Nas petoricu su rasporedili u različite kancelarije. Mene je primio lično major Cvijić i vodnik čijeg se imena više ne sjećam. Prva riječ koju mi je uputio pomenuti major bila je "pričaj". Šta da pričam - pitao sam? Imamo podatke da ste se vi Muslimani u toku vojnog roka međusobno okupljali te da ste vodili razgovore kako će te poslije služenja ovog vojnog roka otići u Bosnu i na obuku u Tursku. Rekao sam da to nije tačno. Tada je počeo da me tuče. Tukao me je šamarima i pesnicama. U toku isljeđivanja naređivali su nam da stojimo sa glavom prislomljenom uza zid i tijelom jedan metar odmaknutim od njega. To je dobar položaj za razmišljanje, govorili su. Tražio je da priznam da je to govorio jedan od nas čije ime iz razumljivih razloga ne mogu da kažem. Tada je ušao i vodnik sa pendrekom. Kada je vidio da nemam šta da kažem počeo me je tući pendrekom po koljenima i cevanicama. Tretman je trajao od 11 sahata prije podne do 22 sahata uveče. Imali smo malu pauzu za ručak. Poslije su nastavili istim metodama. Te noći, nama trinaesticu nisu dali da spavamo. Naredili su nam da u službenim prostorijama organa bezbjednosti provedemo noć stojeći, okrenuti licem prema zidu. Ako bi neko umoran i pretučen pokušao da zatvori oči, prilazio bi dežurni milicioner i udarao ga palicom. Sutradan, odmah poslije doručka, ponovo smo pozvani u iste kancelarije. Bilo je oko 7 sahata. Ispoljena brutalnost oficira bezbjednosti bila je bezobzirnija nego prethodnog dana. Nekima od nas su skidali pantalone i dugačke gaće i tako nas primoravali da sjedimo na vruće peći koje smo prethodno morali dobro naložiti. Između ostalog pitani smo kako se naoružava SDA u Sandžaku i šta je to Merhamet. Pustili su nas u periodu od 14 - 16 sahata. Bili smo potpuno iscrpljeni. Neki od nas nisu mogli ni da idu jer su tučeni pendrecima po tabanima! Ovo je bio kraj našeg vojnog roka, kruna naših nedaća koje smo doživjeli radeći najteže i najprljavije poslove u vojsci tzv. Jugoslavije".

Novi Pazar  
18. 03. 1995. g.

Informativna služba  
stranke demokratske akcije Sandžaka  
Fahrudin Kugić

*Fahrudin Kugić*



19.05.1995

- 1) Trinebovica 17-18 - muslimanska
- Navid Omer - N. Pazar
- Sadovic Emes - N. Pazar
- Navid Senad - " - Koskovo - o Poljana
- Šutkovic Senad - B. Kraljevo
- Musić ERDAN - Koskovo
- Ličina Meh - N. Pazar
- Drenčić Mehru - Zenica
- Bihorac MURAT - Zenica
- Šilmanović Elaz - Tutin (Dobovo)
- Čelić Elvir - Bomošnica selo
- Amčović Esad - Bomošnica
- Ličina Džemal - B. Polje
- Lešević " - Rožaje
- Seđović Sabahudin - N. Pazar (odsustvo)
- Erović Harbije - B. Polje (odsustvo)
- Džauković Enim - N. Pazar (odsustvo)
- Kofac Đervo - Ramaševci (odsustvo)
- Ramićević Feh - Berane (odsustvo)

V/P - 4445 - PREREM

Martovska klasa 94/95  
Bili su raspočeteni po četama.  
Provakacije od strane vojnika.

25-26 februar 1995 -

Bili su na zanimanju. Došlo  
je komandir čete kapetan. Šlić  
Draško došlo je i po spisku prozvanika

SANĐAČKI ODOBOR ZA ZAŠTITU  
LJUDSKIH PRAVA I SLOBODA  
Novi Pazar  
Br. \_\_\_\_\_  
primljeno dana 20. 8. 1995.